



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 113. Quid sit promissio.

urn:nbn:de:hbz:466:1-42561

„tur sine ea dedisse; & repetere, vel animo vin-
dictæ, vel ut consensum extorqueat. *Leff. l.c. Du-*
„*p. 1. t. 2. misc. R. 48.*

„XII. Non tenet donatio ob causam præter-
tam, vel præsentem, quæ verè non est, ut v.g.
dem tibi aliquid, quia apud Principem meam
causam transegisti; vel quia pauper es, & reven-
non ita est, teneris restituere, cum sit error in
formali causa, & principali. Unde qui mentiu-
tur se pauperes, cum non sint, debent aliis pa-
peribus eleemosynas restituere. Aliud est, si er-
ror sit tantum in causa secundaria, ut v.g. si ven-
sint pauperes, & simulent insuper sanctitatem
ad hominum misericordiam provocandam
quia tunc primaria intentio dantum est, dan-
pauperi. *Bon. Leff. d. 17. V. Dian. p. 8. t. 6. R. 8.*

A D D E N D A.

763 Q. 113. *Quid sit promissio.* R. Ex S. Th. 2.
q. 88. a. 1. definitur propositum voluntatis quia
quis se alteri obligat ad aliquid faciendum vel
non faciendum, sive est contractus gratuitus,
quo homo se homini ex justitia obligat ad al-
iquid. Dicitur 1. *Contractus gratuitus*, quia si fieri
cum onere vicissim præstanto ab altero, accipe-
ret rationem alterius contractus utrumque one-
rosi, v.g. venditionis, locationis, aut saltem in
nominati, & sic non esset specialis contractus, si
milis enim promissio includitur in omni con-
tractu. 2. *Quo homo se homini &c.* nam loquimur
de promissionibus inter homines: Quod si ho-
mo promittat Deo, erit votum, quo obligabi-
tur ex Religione. 3. *Ex justitia*, quia omnis con-
tractus causat obligationem justitiæ, sine qua erit
tantum

tantum propositum vel pactum. Videri potest
Carden. in 1. crisi d. 69. c. 2., ubi recte ostendit ad
promissionem requiri aliquam obligationem.

Q. 114. Quænam sit distinctio inter propositum,
pactum & promissionem , prout contractus est. R.
De distinctione propositi à promissione , dictum
est p. 1. n. 362., sed omnia magis patebunt in
hoc exemplo. Si quis dicat, *dabo tibi cras equum*,
potest diversimodè se habere, nam 1. potest tan-
tum velle affirmare id, quod ipse putat cras esse
futurum , nempe cras futurum esse , ut det
equum , sive nunc habeat voluntatem dandi sive
non ; & sic nequidem est propositum , quia non
est actus voluntatis disponentis , sed solius intel-
lectus enuntiantis , estque tantum propositio de
futuro contingente. 2. Potest velle indicare, se
nunc habere voluntatem cras dandi , sive cras in
ea voluntate sit perseveratus sive non , quo-
rum neutrum determinatè intendat ; & sic nec-
dum est promissio , neque perfectum proposi-
tum , sed tantum simplex affirmatio præsentis
intentionis dandi. 3. Potest velle indicare se non
tantum habere nunc voluntatem cras dandi sed
etiam se velle perseverare in illa, & sic est propo-
situm , necdum tamen est pactum , quia deest al-
terius consensus seu acceptatio ; talisque pro-
missio ante acceptationem vocatur à Juristis
Pollicitatio. 4. Potest insuper velle se ad hoc ob-
ligare ex honestate sive decentia alicujus virtutis
ad alterum , v. g. fidelitatis , amicitiæ , liberali-
tatis , non tamen ex justitia ; quam voluntatem
si alter acceptârit , erit pactum , quasi ex pace fa-
ctum , inquit Isidor. cap. 11. De verbis. signif. 5. De-
nique potest simul velle se obligare ex justitia , &

Gg 4

sic